

四庫全書

集部

欽定四庫全書

唐音卷五

元 楊士弘 撰

張 震 註

唐詩正音四

七言律詩

蘇廷碩

名題飛州人仕為中書舍人玄宗時拜相封許國公李嶠曰蘇舍人思若湧泉吾所

不及與張說同以文章顯時稱燕許大手筆又與李載對掌文誥號蘇李

奉和春日幸望春宮應制

東望望春春可憐更逢晴日柳含烟宮中下見南山盡  
城上平臨北斗懸細草偏承回輦處飛花故落舞觴前  
宸遊對此懽無極鳥弄歌聲雜管絃

憐愛也城上平臨北斗懸西京雜記

長安城上鶴北斗故曰城形云南山終南山也宸帝居宸遊言天子遊幸也

王摩詰

和賈舍人早朝大明宮

即蓬萊宮唐高宗改名大明宮

絳幘雞人送曉籌尚衣方進翠雲裘九天閭闔開宮殿  
萬國衣冠拜冕旒日色纔臨仙掌動香烟欲傍衣龍浮

朝罷須裁五色詔珮聲歸到鳳池頭

漢宮儀宮中不畜雞汝南出長鳴雞

衛士候於朱雀門外着絳幘一傳雞唱時籌漢魏故事  
軍中傳箭以直更曉籌謂宮中五更初之籌也尚衣唐  
制宮中官有尚衣百官志掌供天子之冠服者翠雲裘  
宋玉風賦曰主人之女監承日之華被翠雲之裘九天  
三體詩注曰九天九天數也數起於一應於五日成於  
七處於九故天去地九萬里又三體詩注雞跖曰九天  
名一中天二蒼天三昊天四昊天五暉天六廓天七咸  
天八沈天九成天閭闔門漢書道閭闔觀又薛注曰紫  
微宮門曰閭闔萬國左傳禹會諸侯於塗山執玉帛者  
萬國冤旒蔡邕獨斷曰漢明帝采尚書皋陶謨及周官  
禮記以定晨制天子冠六寸長一尺二寸繫白珠於其  
端十三疏仙掌漢武紀建章宮作仙人掌承露盤又華  
嶽仙掌見前注唐都長安東望華岳即日出之處也袁  
龍天子之服五色詔北史鄴中石虎詔以五色采着鳳

口街書鳳池荀勗為中書監  
除尚書令勗曰奪我鳳凰池

奉和聖製從蓬萊向興慶閣道中留春望之作

蓬萊宮見前注興慶亦宮名長安志玄宗開  
元二年作時宋玉成器榮諸廊興慶坊宅為  
宮故名興慶宮云閣道霍光傳名  
內樂人輦道如浮曰輦道閣道也

渭水自縈秦塞曲黃山舊繞漢宮斜  
鑾輿迥出千門柳  
閣道迴看上苑花雲裏帝城雙鳳闕  
雨中春樹萬人家  
為乘陽氣行時令不是宸游重物華

渭水長安鳳翔華  
州乾州鞏昌皆有

故云縈秦塞曲也鑾輿天子之大駕上苑鳳闕俱見前注  
黃山宮名在右扶風即史所謂帝微行而至黃山者也

勅借岐王九成宮避暑

岐王名範玄宗之兄也九成宮在鳳翔府麟游

縣西關五里即隋之仁壽宮也

帝子遠辭丹鳳闕天書遙借翠微宮隔窓雲霧生衣上

卷幔山泉入鏡中林下水聲喧語笑巖前樹色隱房櫳

仙家未必能勝此何處吹簫向碧空

帝子言岐王也丹鳳宮門名翠微宮

兩雅釋文曰山未及上曰翠微又鄴中記曰山氣青綠色為翠微又明皇幸翠微宮復為王求勝地創第又長

安城南山中亦有翠微宮太宗嘗避暑游宴於此房櫳班婕妤賦曰房櫳虛兮風冷冷師古曰房櫳踈檻也

和太常韋主簿五郎寓目

唐詩鼓吹作溫五郎溫泉寓目大常百官

志大常寺唐虞之秩宗典樂大常之任也周  
曰宗伯秦曰奉常漢改大常唐因之大常者  
王之旌也有大事則建以行禮禮官主  
捧持之主簿漢魏皆有之唐置二人

漢主離宮接露臺秦川一半夕陽開青山盡是朱旂繞  
碧澗翻從玉殿來新豐樹裏行人度小苑城邊獵騎回  
聞道甘泉能獻賦懸知獨有子雲才

露臺長安志臨潼  
縣有驪山山東南

三十里秦始皇墓之前有露臺祠無齋誠往者輒風雨  
連失道離宮天子行幸所居之宮也離宮去路臺不遠  
故曰接驪山中有夕陽樓故曰夕陽開新豐見前注小  
苑宜春苑也史前蕭望之以不附霍光署小苑東門侯  
士王翁仲曰不肯碌碌反抱關為望之曰名從其志小  
苑在長安東甘泉賦揚子雲作子雲名雄武帝祠甘泉

秦時雄獻甘  
泉賦以賦

### 積雨輞川莊上

積雨空林烟火遲  
蒸藜炊黍餉東菑  
漠漠水田飛白鷺  
陰陰夏木轉黃鸝  
山中習靜觀朝槿  
松下清齋折露葵

野老與人爭席罷  
海鷗何事更相疑

藜李周翰曰藜野菜耳朝槿古詩小

人槿花心朝在夕不存說文槿花名有黃白者一名曰及詩言舜華葵見前注露葵王褒賢臣頌曰霜葢露葵爭席烈子黃帝篇其近也舍者與之爭席海鷗說文鷗水鷗也色白數十為羣常存滌海中隨潮上下常以三月風至乃還州嶼相疑列子海上之人好鷗者每旦從鷗鳥遊鷗鳥至者數百父命取而玩之明日之海上鷗



鳥舞而不下又按詩評李肇曰水田飛白鷺夏木  
轉黃鸝李嘉祐詩維但增漠漠陰陰二字而已

酬郭給事

給事秦官掌左右顧問唐因隋職改  
曰東臺又改為鸞臺開元為黃門省

掌駁正違失  
詔勅不便者

洞門高閣靄餘輝桃李陰陰柳絮飛  
禁裏踈鐘官舍曉省中啼鳥吏人稀  
晨搖玉珮趨金殿夕奉天書拜瑣闥  
強欲從君無那老將因卧病解朝衣

送楊少府貶柳州

柳州古百粵之地漢為鬱林  
郡之潭中縣地梁為龍州唐

為南昆州  
又改柳州

明到衡山與洞庭若為秋月聽猿聲愁看北渚三湘遠  
惡說南風五兩輕青草瘴時過夏口白頭浪裏見湓城

長沙不久留才子賈誼何須弔屈平

衡山南岳也一名岫嶼洞庭五兩三

湘俱見前注北渚楚辭帝子降兮北渚青草瘴廣州記  
夏謂之青草瘴夏口勝覽一名魯口似指夏水之口何  
尚之云夏口在荊江之中正對沔口浦章懷太子注亦  
謂夏口戍注今鄂州故唐史皆指鄂州為夏口湓城在  
德化縣西一里郡國志有人於此洗銅盆墮水取之見  
一龍而出故名荆揚之境古三苗國漢為淮南國晉改  
江州又改潯陽隋理湓城長沙荊州之域三苗之境秦  
始為長沙郡才子即賈誼以喻楊也屈平字原與楚同  
姓仕於懷王為三閭大夫同列上官大夫譖毀之乃作  
楚辭以伸其志自投汨羅江而死賈誼嘗為長沙王傅

作賦以  
弔之云

酌酒與裴迪

酌酒與君君自寬  
人情翻覆似波瀾  
白首相知猶按劍  
朱門先達笑彈冠  
草色全經細雨濕  
花枝欲動春風寒

世事浮雲何足問  
不如高卧且加餐

波瀾晉陸機君子行曰天道夷且濶

人道險且難休咎相乘除番復似波瀾白首相按劍漢鄒陽上梁王書曰有白頭如新傾蓋如故何則知與不知也按劍月上市日明月之珠夜光之璧以暗投人於道路人無不按劍相顧盼者何則無人為臣前也彈冠漢書王陽為益州刺史貢禹彈其冠待薦果名為大夫浮雲見前注高卧晉謝安桓溫請為司馬高卧東山不就所

辟加食古詩上言加  
食飯下言長相憶

春日與裴迪過新昌里訪呂逸人不遇

長安里在

桃源面面少風塵  
柳市南頭訪隱淪  
到門不敢題凡鳥

看竹何須問主人  
城外青山如屋裏  
東家流水入西隣

閉戶著書多歲月  
種松皆作老龍鱗

桃源見前注此以  
比呂逸人隱處也

柳市漢書萬章子夏長安熾甚街閭各有豪俠章在城  
西柳市號曰柳市萬子夏隱淪文選謝靈運詩既在隱  
淪者亦棲肥適賓凡鳥晉稽康與呂安善安嘗詣康值  
康不在稽喜出迎不入於門題一鳳字而出蓋言其為  
凡鳥也看竹王子猷事見前注閉戶著書前  
揚雄閉門草大玄又王符著書名潜夫論

賈幼隣

早朝大明宮

長安志即隋蓬萊宮在長安城西北隅唐高宗名大明

銀燭朝天紫陌長  
禁城春色曉蒼蒼  
千條弱柳垂青瑣

百轉流鶯繞建章  
劍珮聲隨玉墀步  
衣冠身惹御爐香

共沐恩波鳳池裏  
朝朝染翰侍君王

鳳池唐中書省號鳳池又曰鳳閣舍

人染翰中書舍人下筆為詔誥出語為誥今故曰染翰也侍君王唐史中書為內朝乃天子之禁職故曰侍君

也王

孟浩然

登安陽城樓

安陽必縣名未詳何地然以詩語考之或襄陽屬是古今沿革不同

不可詳考又集覽今中州楚丘縣西北四十里有安陽故城在隋為已氏縣

縣城南面漢江流江嶂開成南雍州才子乘春來騁望  
羣公暇日坐消憂樓臺晚映青山郭羅綺晴驕綠水洲

向夕波搖明月動更疑神女弄珠遊

批云老成素淨但江嶂山水晚夕珠

綺各不免重疊云漢江二水名見前注南雍州未詳又劉禹錫詩玉節前臨南雍州即襄陽也神女弄珠交甫解珮之所今襄陽府萬山潭即其處詳見前注

崔顥

黃鶴樓

樓在武昌府子城東北角齊志昔有仙人子安乘黃鶴過此因以為名也又聞

伯理記州城西南隅有黃鶴樓者圖經云費禕登仙駕黃鶴返憩於此故名又云因山得名

昔人已乘白雲去此地空餘黃鶴樓黃鶴一去不復返

白雲千載空悠悠晴川歷歷漢陽樹芳草萋萋鸚鵡洲

日暮鄉關何處是烟波江上使人愁

批云古人多能善若大白題黃鶴樓

有眼前有景道不得崔顥題詩在上頭之句後題鳳凰臺有詩然亦不免蹈襲又此詩當與太白鳳凰臺詩同看則真敵手也漢陽今漢陽府在江北與樓相對鸚鵡洲在江中與樓相近即黃祖殺禰衡處

行經華陰

華陰縣名  
今屬華州

崑崙太華俯咸京  
天外三峯削不成  
武帝祠前雲欲散  
仙人掌上雨初晴  
河山北枕秦關險  
驛路西連漢時平

借問路傍名利客  
無如此處學長生

太華西嶽也太華在長安東咸京在

今西安府即長安也峯高七千丈洞周四三十里天外三峯未詳所指或云太華峯雲臺峯落鴈峯未詳是否武帝祠在華陰

崔曙

九日登仙臺呈劉明府



漢文皇帝有高臺此日登臨曙色開三晉雲山皆北向

二陵風雨自東來關門令尹誰能識河上仙翁去不回

且欲近尋彭澤宰陶然共醉菊花杯

高臺神仙傳河上公授文帝老子而

去失所在帝於西山築臺望之曰仙臺三晉見前注二陵左傳秦伐鄭蹇叔曰有有二陵焉其北陵文王以避風雨也南陵夏后皋之墓也輿地廣記曰有山在河南府永寧縣北二十里關門令尹神仙傳老子去周入函谷關令尹喜知之見老子老子授以長生之術河上仙翁神仙傳河上翁文帝時結草廬於河上帝讀老子有

不解遺問之公曰道尊德貴非可遙問帝幸其庵問曰普天之下莫非王臣不能自屈無乃高乎公即坐躍舟舟在空去地數丈曰今上不至天中不至人下不至地何臣民之有帝乃下車頓首公授素書一卷遂失所在

彭澤陶淵明嘗為彭澤令棄官歸隱於潯陽九  
日坐東籬對菊花適王弘送酒至遂醉而歸

### 高逵夫

#### 送王李二少府貶潭峽

潭峽二  
州名

嗟君此別意何如  
駐馬銜杯問謫居  
巫峽啼猿數行淚  
衡陽歸鴈幾封書  
青楓江上秋天遠  
白帝城邊古木疎

聖代只今多雨露  
暫時分手莫躊躇

啼猿荆州記右歌  
曰巴東三峽巫峽

長依鳴三聲淚沾裳  
衡陽歸鴈衡陽志  
衡陽之南有回鴈  
峯鴈至此即北歸  
又蘇武傳天子上  
林射鴈得帛書繫  
鴈足青楓江上楚  
辭江水湛湛兮上  
有楓又唐詩鼓吹  
注云長沙有青楓  
江白帝城在峽中  
即公孫述所築

古夢子國也後  
先主改為永安

送前衛縣李宋少府

衛縣今衛輝府即  
紂所都朝歌之地

黃鳥翩翩楊柳垂春風送客使人悲  
怨別自驚千里外  
論交却憶十年時  
雲開汶水孤帆遠  
路繞梁山足馬遲

此地從來可乘興  
留君不住益悽其

汶水兗州志東平  
州有汶水縣又雍

州有汶水梁山在東平州壽  
張縣悽其詩綠衣悽其以風

岑參

和賈至早朝大明宮

雞鳴紫陌曙光寒鶯囀皇州春色闌金闕曉鐘開萬戶

玉階仙仗擁千官花迎劍珮星初落柳拂旂旂露未乾

獨有鳳凰池上客陽春一曲和皆難

萬戶漢建章宮千門萬戶仙仗見前

注陽春曲襄陽耆舊傳云宋玉曰楚有善歌者始而曰下里巴人國中唱而和之數萬人而曰陽阿采菱國中唱而和之者數百人既而曰陽春白雪朝日魚離國人和之者不過數人其唱彌高其和彌寡矣

和祠部王員外雪後早朝即事

唐職林祠部屬禮部東晉而下

纔置

長安雪後似春歸積素凝華連曙輝色借玉珂迷曉騎

光添銀燭晃朝衣西山落月臨天仗北闕晴雲捧禁聞

聞道仙郎歌白雪由來此曲和人稀

白雪見上注

使君席夜送嚴河南赴長水

長水屬縣名嵩州

嬌歌急管雜青絲銀燭金杯映翠眉使君地主能相送

河尹天明坐莫辭春城月出人皆醉野戍花深馬去遲

寄聲報爾山翁道今日河南勝昔時

青熱琴瑟之屬翠眉美人歌技也

暮春號州東亭送李司馬歸扶風別廬

古號國今陝州

扶風京兆三輔左扶風今有扶風縣屬鳳翔府

柳顰鶯嬌花復殷紅亭綠酒送君還到來函谷愁中月  
歸去磻溪夢裏山簾前春色應須惜世上浮名好是閑  
西望鄉園腸欲斷對君衫袖淚痕斑

磻溪在咸陽渭水上即太公遇文王

之地函谷  
見前注

赴嘉州過城固縣尋永安超禪師房

嘉州梁州域今重慶

府嘉定州固城縣夔州  
號固陵永安即夔州也

滿寺枇杷冬着花老僧相見具袈裟漢王城北雪初霽  
韓信壇西日欲斜門外不須催五馬林中且聽演三車

欽定四庫全書

唐書  
卷五

豈料巴川多勝事為君書此報京華

枇杷果名廣州志  
冬花實黃大如雞

子小者如杏味甘酸袈裟釋氏要覽云袈裟者蓋從色  
彰顯也梵音具云迦羅沙曳此云不正色四分律云一  
切上色衣不得蓄當懷作迦沙色至葛演撰字沙下方  
添衣言道服也又集經云離垢服又名忍辱鎧衣有三  
品自九條至十一條名下品衣十五條至十九條名中  
品衣二十一條至三十五條為上品衣三車法華經云  
牛車羊  
車鹿車

李頎

寄司勳廬員外

周官有司勳上士至後周  
唐屬吏部有郎中有員外

流澌臘月下河陽草色新年發建章秦地立春傳太史

漢宮題柱憶仙郎歸鴻欲度千門雪侍女新添五夜香

早晚薦雄文似者故人今已賦長楊

流漸說文流水也又冰解而流也河

陽建章見前注漢宮題柱司馬相如事薦雄俱見前注立春傳太史月令先立春三日太史謁之天子曰某日

立春天子乃迎春於東郊

送魏萬之京

太白亦有送王屋山人魏萬詩

朝聞遊子唱離歌昨夜微霜初度河鴻鴈不堪愁裏聽  
雲山況是客中過關城曙色催寒近御苑砧聲向晚多  
莫是長安行樂處空令歲月易蹉跎



題濬公山池

柳子厚亦有送濬上歸淮南序未審即此濬公否

遠公遁跡廬山岑開山幽居祇樹林片石孤峯窺色相

清池白日照禪心指揮如意天花落坐卧閒房春草深

此外俗塵都不染惟餘玄度得相尋

釋氏通鑑晉遠公名慧遠廬山東林

寺僧祇樹林開山始創東林寺故曰開山祇樹陀太子所施之圓樹也色相菩薩本經佛者有大神力身紫金色三十二相前智無窮無極清池白石清池以喻禪心指揮晉王敦嘗歌以鐵如意擊玉唾壺盡缺又高僧手常持如意塵尾以資談興又維摩經者有一天女見諸天人所說法便見其身即以天花散著菩薩大弟子其花至諸菩薩皆落至弟子便著不墮玄度姓許名詢字玄度晉高士與沙門支遁道林相友善

宿瑩公禪房聞梵

花宮仙梵遠微微月隱高城鐘漏稀  
夜動霜林驚落葉曉聞天籟發清機  
蕭條已入寒空靜颯沓仍隨秋雨飛

始覺浮生無住著頓令心地欲歸依

天籟莊齊物篇汝聞地籟而未聞天

籟地籟則衣竅是已天籟則人心之自動是已又杜詩陰壑生靈籟注風聲為天籟水聲為地籟笙歌為人籟

皇甫茂政

秋日東郊

閒看秋水心無事坐對寒松手自栽  
廬嶽高僧留偈別

茅山道士寄書來燕知社日辭巢去菊為重陽冒雨開

淺薄將何稱獻納臨歧終日獨徘徊

廬岳廬山記國俗周威王時人生如

神靈廬於此山故山取名焉偁凡釋氏所作頌文皆日  
獨茅山在句容縣南五十里三茅真君得道於此燕每  
以春社至秋社則去獻納西都賦曰日月獻納又唐官  
制武后初置匱以授四方之書誥理使玄宗改為獻納  
使

同溫丹徒登高萬歲樓

丹徒揚州之域春秋時屬吳秦置丹徒晉置南

徐州隋改置潤州宋為鎮江府丹徒為帶管  
縣溫必為丹徒令先比唐詩鼓吹亦作皇甫

再詩

高樓獨上思依依極浦遙山合翠微江客不堪頻北望  
塞鴻何事復南飛丹陽古渡寒烟積瓜步空洲遠樹稀  
聞道二師猶轉戰誰能談笑解重圍

瓜步揚州志瓜州揚州古渡其狀如

瓜故謂之瓜步真州亦有涉瓜山談笑解重圍文選左  
大冲詩吾慕魯仲連談笑却秦軍丹陽古渡丹陽亦屬  
縣名又有丹陽山古  
渡在丹陽縣江口

### 皇甫孝常

#### 早朝日寄所知

長安雪後見歸鴻紫禁朝天拜舞同曙色漸分雙闕下

漏聲遙在百花中  
鑪烟乍起開仙仗  
玉珮成行引上公

共荷發生同雨露  
不應黃葉久從風

雙闕宮門雙闕鄭衆云象魏闕也劉

熙釋名玉闕在門兩旁中央闕然為道也魏闕一物而三名也以門之相對為雙故曰雙闕注闕觀也登上可編觀故名又人臣至此而書其所闕故又曰闕上公西漢末師保之官崇為上公同雨露謂同承雨露之恩官於一時而獨飄零如黃葉之從風也

### 秋夕寄懷契上人

已見槿花朝委露  
獨悲孤鶴在人羣  
真僧出世心無事  
靜夜名香手自焚  
寔臨絕澗同流水  
客至孤峯掃白雲

更想清晨誦經處獨看松上雪紛紛

檉花朝生而暮落見前注孤鶴晉書

稽康紹在稠人中如野鴻之在雞羣

### 嚴正文

送薛居士和州讀書

和州揚州域晉立歷陽和郡唐改和州

孤雲獨鶴共悠悠萬卷經書一葉舟  
楚地巢城民舍少烟村社樹鷺湖秋  
蒿萊織妾晨炊黍隅地耕童夕放牛

年少不應辭苦節諸生喜遇一封侯

巢城巢縣屬無為州又有巢湖郡志

有謂縣老嫗曰縣門口石龜口赤則當陷為湖姥住觀之縣人以朱塗其口姥見而走縣過陷為湖故曰巢湖

驚湖  
未詳

李從一

蘇臺至望亭驛人家盡空悵然有作寄從弟紆

蘇州志州有姑蘇臺故謂之姑蘇

南浦菰蒲覆白蘋東吳黎庶逐黃巾野棠自發空流水

江鷺初歸不見人遠樹依依如送客平田渺渺獨傷春

那堪回首長洲苑烽火年年報塞塵

蘇州古東吳之地黃巾後靈帝中平

元年鉅鹿人張角自稱黃天其部有二十六萬皆首黃巾同日反叛長州苑吳王所築在平江府嘉祐玄肅二

宗時人此詩益作於劉展張景  
起亂浙西平盧軍大掠之後

早秋京口贈張侍御

京口鎮江府吳孫惟自吳  
涉丹徒謂京城亦曰京口

城

移家避寇逐行舟  
厭見南徐江水流  
吳地征徭非舊日  
秣陵凋敝不宜秋  
千家閉戶無砧杵  
七夕何人望斗牛

祇有同時驄馬客  
偏題尺牘問窮愁

南徐鎮江府也秣  
陵金陵也七夕望

斗牛齊諧記武陽城有仙道忽謂其弟曰七月七日織  
女當渡河暫誼牽牛織女二星名牛星在河東女星在  
河西驄馬客後桓典為御史乘驄馬都人謗曰行行且  
止避驄馬前廣武君日奉咫尺之書注曰簡牘長咫尺



者

與從弟兵曹宴集

竹窓幽戶有佳期  
美酒香茶慰所思  
嗣輔外甥還解易  
惠連羣從擬能詩  
簷前花落春深後  
谷口鶯啼日暮時  
去路歸家仍待月  
垂鞭不控馬行遲

嗣輔晉王弼字也  
善易外甥未詳所

指惠連南宋人謝惠連  
與兄靈運俱有詩名

暮春宜陽郡齋愁坐忽聞枉劉七侍御詩因以

酬答

宜陽袁州也漢為宜春縣晉改  
為宜陽嘉祐嘗為袁州刺史

子規夜夜啼，櫛葉遠道逢春半。是愁芳草伴人還，易老

落花隨水亦東流。山當睥睨常多雨，地接瀟湘畏及秋。

惟羨君為周柱史，手持黃紙到滄洲。

子規杜鵑也。見前注。山當睥睨。

城上女堵袁多山，故云地接瀟湘。袁州地境與長境相接，水亦自陸口出，與瀟湘二水相合，故云。周柱史老聃周時為柱下史，秦改柱史為御史，故以喻劉侍御也。黃紙又古詔，皆用黃麻，故詔書皆謂之黃麻，故曰黃紙。

### 劉文房

獻南平王

未詳何人。又唐史高崇文以討劉闢有功，封南平郡王。南平郡今四川重

慶府

建牙吹角不聞喧亂世登壇衆所尊家散萬金酬士死

身持一劍答君恩漁陽老將多回席楚國諸生半在門

白馬翩翩春草細邵陵西去獵平原

建牙文選高牙乃建又續世說軍前

以號令又集覽牙門旗名也古者軍行以建立牙於軍門尊者所在後人因以所治為牙云則至牙旗之下吹角見前注登壇漢高築壇拜韓信為大將散金酬士死一劍答君恩漢陽老將楚國諸生皆未詳所指邵陵今重慶府漢為郡陵郡吳立邵陵郡晉曰邵陽唐置南梁州宋為重慶

送陸澧倉曹西上

長安此去欲何依先達誰當薦陸機日下鳳翔雙闕迥

雪中人去二陵稀  
舟從故里難移棹  
家在寒塘獨掩扉

臨水自傷流  
落久贈君空有淚沾衣

陸機字士衡晉人與弟陸雲俱有大

名傳贊云穴碎二龍巢傾雨風云云望其翔躍可乎雙闕二陵見前注

謫官後卧病官舍  
簡賀蘭侍御  
賀蘭侍御賀蘭進明也

青春衣繡共稱宜  
白首垂絲恨不違  
江上幾回今夜月

鏡中無復少年時  
生還北闕誰將引  
老向南方衆所悲

歲歲任他芳草綠  
長沙未有定歸期

衣繡見前注北闕高紀蕭何治未央

宮立東闕北闕上書奏事謁見之徒皆詣北闕芳草綠見前注長沙未有定歸期六房嘗說長沙故云

送皇甫曾赴工部

東遊久與故人違  
西去荒涼舊路微  
秋草不生三徑處  
行人獨向五陵歸  
離心日遠如流水  
回首川長共落暉

楚客豈勞傷  
此別滄江欲暮自沾衣

三徑五陵  
俱見前注

別嚴士元

春風倚棹闔閭城  
水國春寒陰復晴  
細雨濕衣看不見  
閒花落地聽無聲  
日斜江上孤帆影  
草綠湖南萬里情  
東道若逢相識問  
青袍今已誤儒生

閨問城越絕書云  
吳王閨問使子胥

相士嘗臨水築為大城開八門以表八風青袍杜詩春  
草隨青袍子朱注錄今之朝服乃戎服因隨場帝數出

幸令百官以戎服從一品  
紫次朱次青即青袍也

### 三月李明府後庭泛舟

此詩鼓吹以  
為皇甫冉詩

江南風景

鼓吹作  
烟景

復如何聞道新亭更欲過處處紉蘭

鼓吹作  
執蘭

春浦綠萋萋藉草遠山多壺觴須就陶彭澤時

俗

鼓吹作  
風俗

猶傳晉永和更待持橈隨轉去微風落日水

增波

新亭晉永嘉五年諸名士遊宴新亭即此也亭在  
江寧縣十里附近江渚紉蘭離騷紉秋蘭以為珮

分注紉箴補綴藉草孫綽天台山賦藉萋萋之纖草說  
文藉薦也陶彭澤陶淵明為彭澤縣令永和晉帝年號

唐音

五

晉王羲之永和九年三月三日修禊事於蘭亭此亦以三月宴後庭故言也增坡文選招隱云山嶄巖兮水增波

賦得

寓意也

鶯啼燕語報新年馬色龍飛路幾千家住層城臨漢苑  
心隨明月到霜天機中錦字論長恨樓上花枝笑獨眠

為問元戎寶車騎何時反旆勒燕然

馬色龍飛謂馬若龍之飛騰也漢苑

胡天見前注機中錦字符秦寶滔妻蘇氏字若蘭因織錦為回文五綵相宣瑩心輝目縱橫反覆皆為文章名旋機圖以贈滔寶車騎漢寶憲字如度漢永元初拜車騎將軍出塞擊北單于戰於稽落山大破之登燕然山

勒石紀功而還元戎詩  
元戎十乘謂大將也

### 送柳使君赴袁州

宜陽出守新恩至京口因家始願違五柳閉門高士去

三苗按節遠人歸月明江路聞猿斷花暗山城見吏稀

惟有郡齋窓裏岫朝朝長對謝玄暉

宜陽京口俱見前注五柳陶淵明門

前種柳五株自號五柳先生三苗今長沙九江皆是其地謝玄暉名眺晉人文章清麗嘗為宣城太守有郡齋

在焉此云郡齋或嘗為表守未詳

### 送李錄事兄歸襄陽



十年多難與君同，幾處移家逐轉蓬。  
白首相逢征戰後，青春已過亂離中。  
行人杳杳看西月，歸馬蕭蕭向北風。  
漢水楚雲千萬里，天涯此別恨無窮。

轉蓬蓬草也隨風吹轉漢水在襄陽

送馬秀才落茅歸江南

南客懷歸鄉夢頻，東風悵別柳條新。  
殷勤斗酒城陰暮，蕩漾孤舟楚水春。  
湘竹舊斑思帝子，江蘿初綠怨騷人。  
憐君此去未得意，陌上愁看淚滿巾。

湘竹博物志舜南巡不返葬於蒼梧

之野堯二女娥皇女英追之不及至洞庭之山浪下染竹即斑今斑竹是也江蘿楚離騷又况揭車與江蘿注

香草也又三體詩注薜蘿也郭璞曰似水苔騷人屈平也平作離騷故曰騷人

### 次安陸寄友人

安陸春秋鄒子國唐為州又改安陸郡宋昇德安府又安陸州

古郢州也

新年草色遠萋萋  
久客將歸失路蹊  
莫雨不知湏口處  
春風只到穆陵西  
孤城盡日空花落  
三戶無人但鳥啼

君在江南相憶否  
門前五柳幾枝低

萋萋文選春草萋萋注草盛貌湏口

德安志西枕湏水在安陸西北連城西南隅入雲夢湏口在雲夢下五十里湏水所出穆陵不詳所指又穆陵在益都淄川三戶項籍傳楚雖三戶亡秦必楚又三戶集覽左傳以界楚師於三戶注今母水縣北三戶亭是

也又云在湘州沔陽縣界項羽破鄢  
郢三戶津遂以亡秦五柳見前注

青谿口送人歸岳州

青谿在荊州府鬼谷  
首居之處詳見前注

洞庭何處鴈南飛江蓼蒼蒼客去稀  
帆帶夕陽斜度鳥天連秋水一人歸  
黃花裛露開江岸白鳥銜魚上釣磯  
岐路相逢無可贈老來空有淚沾衣

洞庭見前注江蓼  
說文蓼初生曰蓼

自夏口至鸚鵡洲望岳陽寄阮中丞

汀洲無浪復無烟楚客相思益渺然  
漢口夕陽斜度鳥洞庭秋水遠連天  
孤城背嶺寒吹角獨戍臨江夜泊船

賈誼上書憂漢室長沙謫去古今憐

漢口洞庭見前注  
賈誼漢文記賈誼

上疏陳政事名治安策後絳灌等譖之以為  
洛陽年少專欲擅權乃以為長沙王太傅

登餘干城

餘干縣名  
屬饒州府

孤城上與白雲齊萬古蕭條楚水西官舍已空秋草沒  
女牆猶在夜烏啼平沙渺渺迷人遠落日亭亭向客低

飛鳥不知陵谷變朝來莫去弋陽溪

批云傷今弔古之  
情藹然見於言意

之表女牆注城上小牆亦名睥睨言於城上窺人陵谷  
變詩高岸為谷深谷為陵弋陽縣名屬廣信府縣東有

溪

過賈誼宅

賈誼廣即賈誼故宅在長沙南六里有井上圓下方有局脚石床猶存

三年謫宦此棲遲萬里惟留楚客悲  
秋草獨尋人去後寒林空見日斜時  
漢文有道恩猶薄湘水無情弔豈知

寂寂江山搖落處憐君何事到天涯

長卿嘗謫長沙故云漢文文帝也文

帝嘗謫賈誼為長沙王太傅蓋云文帝為有道之君而不能  
用賈誼以之自喻也屈平溺於湘水賈誼謫長沙時作賦弔之

盧允言

名綸河中人舉進士不第大歷初元戴薦之累遷檢校戶部郎中監察御史稱疾去

官又嘗朝京時韋渠牟得幸德宗表其才召見禁中帝有所作輒使廢和與吉中孚韓翃錢起

司空曙苗發崔峒秋津夏侯審  
李端皆詩齊名號大歷十才子

### 長安春望

東風吹雨過青山却望千門草色間家在夢中何日到

春來江上幾人還川原繚繞浮雲外宮闕參差落照間

誰念為儒逢世難獨將衰鬢客秦關

千門漢武作建章  
度為千門石戶至

唐建章宮已廢  
故云草色間

### 長安秋夜即事

九重深鎖禁城秋月過南宮漸暝樓紫陌夜深槐露滴

碧空雲盡火星流清風刻漏傳三殿甲第歌鐘樂五侯

楚客病來鄉思苦寂寥燈下不勝愁

九重天子所居之地禁城天子之城

曰禁城也火星晉天文志心大星曰火星至秋則心星西下故曰流三殿南部新書大明宮中有麟德殿其殿三面故以三殿為名甲第五侯見前注楚客允言何中

人其曰楚客者天寶亂時允言嘗客寓於番禺故云

晚次鄂州

鄂州即今武昌縣也孫權改為武昌郡至隋以江夏為鄂州武昌以縣屬

馬

雲開遠見漢陽城猶是孤帆一日程  
估客晝眠知浪靜  
舟人夜語覺潮生  
三湘愁鬢逢秋色  
萬里歸心對月明

舊業已隨征戰盡更堪江上鼓鼙聲

漢陽城在武昌江北即今之漢陽府

也覺潮生潮海潮也海潮上不至潯陽今云潮者鼓吹注以為江水漲也夜語謂江漲時舟人皆起緩其繫舟

之索而語也舊業征戰盡本集題下自注云至德中作綸河中人時安史方亂三河淪陷於賊鼓鼙說文騎鼓也呂氏春秋帝嘗令人作鼙鼓之樂禮月令修鞀鼓注鼓廓也張羊皮冑之鞀鞀也助鼓節也鞀鼙通

### 酬李端野寺病居寄

野寺昏鐘山氣陰亂藤高竹水聲深農夫就餉還依草

野雉驚飛不過林齋沐暫思同靜室清羸已覺助禪心

寂寞日長誰問疾料君惟取古方尋

問疾維摩居士疾佛勅文殊問疾古



方古人之藥方也

酬暢當尋嵩岳麻道士

聞逐樵夫間看棋忽逢人世是秦時開雲種玉嫌山淺  
渡海傳書怪鶴遲陰洞石幢微有字古壇松樹半無枝

煩君遠示青囊錄願得相從一問師

看棋述異記信安郡石室中晉時樵

者王質逢二童子棋與質一物如棗核食之不饑置斧於坐下而觀童子曰汝斧柯爛矣質歸鄉閭無復時人矣逢人是秦時桃源事見前注種玉見前注石幢字河南志後魏時有樵夫劉會入洛陽石龍洞得石上有字青囊錄晉郭璞傳郭公以青囊中書九卷與璞後門人竊囊未及讀為火所焚

早春歸盤屋舊居寄耿漳

盤屋縣名  
在長安

野日初晴麥隴分  
竹園村巷鹿成羣  
萬家廢井生秋草  
一樹繁花對古墳  
引水忽驚冰滿澗  
向田空見石和雲  
可憐荒歲青山下  
惟有松枝可贈君

韓君平

同題仙游觀

觀未詳何處以詩  
句考之必在京師

仙臺初見五城樓  
風物淒淒宿雨收  
山色遙連秦樹晚  
砧聲近報漢宮秋  
踈松影落空壇靜  
細草春香小洞幽

何用別尋方外去人間亦自有丹丘

長安志仙臺在長安西山漢文帝作

五城樓十洲記云崑崙山有五城十二樓丹丘楚詞仍羽人於丹丘注丹丘晝夜常明歡必在長安故云連秦

樹過漢宮也

送長沙李少府入蜀

行行獨出故關遲南望千山無盡期見舞巴童應暫笑  
聞歌蜀道又堪悲孤城晚閉清江上正馬寒嘶白露時

別後此心君自見山中何事不相思

歌蜀道太白有蜀道難詩

送客歸江洲

今九江府也

東歸復得采真遊  
江水迎君日夜流  
客舍不離青雀舫  
人家多住白鷗洲  
風吹山帶遙知雨  
露濕荷裳已報秋  
聞道泉明居止近  
藍輿相訪可淹留

采真琴操有采真撫青雀舫滕王閣

記青雀黃龍之軸泉明未詳或云即淵明蓋唐人詩淵字云藍輿困明詩向承藍輿亦足自適

耿漳

送友人遊江南

遠別悠悠白髮新  
江潭何處是通津  
潮聲偏懼初來客  
海味惟甘久住人  
漠漠烟光漁浦晚  
青青草色定山春

汀洲更有南回鴈亂起聯翩北向秦

潮聲叢語曰海潮來皆有漸惟潮江

潮來如山岳震如雷靈可畏漁浦吳郡記富春東三十里有漁浦定山杭州郡記定山在錢塘南四十七里潮

至此抑過此復怒

錢仲文

和李員外扈幸溫泉宮

扈幸扈幸扈從天子行幸溫泉宮見前注

未央月曉度疎鐘鳳輦時巡出九重雪霽山門迎瑞日

雲開水殿候飛龍輕寒不入宮中樹佳氣常浮仗外峯

遙羨枚臯扈仙蹕偏承霄漢渥恩濃

未央宮名見前注九重離騷君之門

九重言其穆穆深遠又云天有九重君亦天也故言九重山門山中之門也水殿唐詩鼓吹注宮中有水殿天子納涼處也飛龍易飛龍在天枚舉漢武紀舉字少孺武帝時上書北闕拜為郎扈仙蹕蹕說文禁行人也周禮宮正掌邦之事蹕張釋之傳犯蹕罰金言天子出則出警入蹕此云仙蹕者貴之也渥恩渥說文潤澤也又厚恩也言

### 贈闕下裴舍人

二月黃鸝飛上林春城紫禁晚陰陰長樂鐘聲花外盡  
龍池柳色雨中深陽和不散窮途恨霄漢常懸捧日心  
獻賦十年猶未遇休將短髮載華簪

上林苑名在長安長樂宮名見前注

紫禁希逸貴妃詠曰狀華紫禁李善注宮象紫微故名  
紫禁捧曰北史魏崔昱少時夢登泰山以手奉曰警言  
奉君之心也獻賦相如揚雄事  
龍池窮遠阮籍事俱見前注

山中酬補闕見過

日暖風恬種藥時紅泉翠壁薜蘿垂幽谿鹿過苔還靜  
深樹雲來鳥不知青草同心多逸興春山載酒遠相隨

却慚身外牽纓冤未免杯前倒接羅

紅泉謝靈運詩石磴澗紅泉接羅見

前注

幽居春暮書懷

自笑鄙夫多野興貧居數畝半臨湍谿雲雜雨來茅屋

山鳥將雛傍藥欄仙錄滿床閒不厭陰符在篋老羞看

更憐童子宜春服花裏尋師到杏壇

仙錄綱目元魏王壽時嵩山道士寇

謙之修張道陵之術自言嘗遇老子之孫譚文授以周錄真經集覽注謂國錄真經道家仙籍之書也陰符蘇

秦受太公陰符經於鬼谷子宜春服語莫春者春服既成冠者五六人童子六七人風乎舞雩詠而歸杏壇孔

子出魯東門過故杏壇曰茲藏文仲盟誓之壇也睹物思人命琴而歌又莊孔子休乎杏壇之上弟子讀書夫

子鼓琴奏曲藥欄賁服集云園亭中之藥欄藥即欄欄即藥非花藥之欄也又按蘇林曰以竹連綿為棠藥使

人不得往來



郎君胄

寄韋司直

司直官名  
見前注

聞君感歎二毛初，舊友相依萬里餘。  
烽戍有時驚暫定，甲兵無處可安居。  
客來吳地星霜久，家在平陵音信疎。

昨夜東風還入戶，登山臨水復何如？

二毛，毛髮黑且白也。烽火，甲兵吳地。

俱見前注。星霜，杜詩三霜楚戶砧。注居楚三易星霜矣。平陵，君胄中山人。中山，古博陵郡。

贈王季友秋夜宿露臺見寄

石林精舍虎谿中，夜扣禪扉憶遠公。  
月在上方諸品淨，

心持半法萬緣空蒼苔古道行應徧落木寒聲聽不窮

更憶雙峯最高頂此心期與故人同

石林精舍在廬山遠公道場遠公晉

僧惠遠也居廬山三十餘年影不出山跡不入俗送客過虎谿虎輒鳴號上方見前注又唐貞觀間玄奘法師

入王舍城止巴都寺從上方戒賢論師窮探大策秘奧雙峯四祖嘗居雙峯寺

### 司空文明

#### 酬張芬赦後見寄

紫鳳朝啣五色書陽春忽布網羅除已將心變寒灰後  
豈料先生腐草餘建水風烟收客淚杜陵花竹夢郊居

勞君故有詩相贈欲報瓊瑤愧不如

五色書後趙石虎詔書用五色紙啣

於木鳳之口而頌行之寒灰莊子心固可使為死灰光生腐草草化為螢建水未詳又羅昭鍊詩春難建水狂

注今建寧府杜陵見前注瓊瑤詩贈我以木桃報之以瓊瑤

### 酬李端見贈

綠槐垂穗乳烏飛忽憶山中獨未歸青鏡流年看髮變

白雲芳草與心違乍逢酒客春游慣又別林僧夜坐稀

昨日聞君到城郭莫將簪弁勝荷衣

荷衣楚辭製芰荷以為衣兮集芙蓉

裳以為

南原望漢宮

南原長安南之原也

荒原空有漢宮名  
衰草茫茫雉堞平  
連鴈下時秋水在  
行人過盡莫烟生  
西陵歌吹何年絕  
南陌登臨此日情

故事悠悠不可問  
寒禽野水自縱橫

雉堞杜詩雉堞粉如雲注城上女垣

曰雉堞選金城萬雉城方丈為堞三丈為雉西陵曹操墓所

李端

夜投豐德寺謁海上人

半夜中峯有磬聲  
偶尋樵者問山名  
上方月曉聞僧語

下界林疎見客行野鶴巢邊松最老毒龍潛處水偏清

願得遠公知姓字焚香洗鉢過餘生

上方見前注下界願況五原決云下

界功滿方超上界遠公晉僧慧遠也居廬山東林寺

宿淮浦寄司空曙

愁心一倍長離憂夜思千重戀舊遊秦地故人成遠夢  
楚天涼雨在孤舟諸谿近海潮皆應獨樹邊淮葉盡流  
別恨轉深何處寫前程惟有一登樓

竇遺直

夏夜宿表兄宅話舊

夜合花間香滿庭夜深微雨醉初醒  
遠書珍重何曾達舊事淒涼不可聽  
去日兒童皆老大昔年親友半凋零

明朝又是孤舟別愁見河橋酒幔青

夜合花格物論夜合一名合歡亦名

合昏人家多種植於庭除枝甚柔弱葉似皂莢細而密其枝至莫而合五月花發紅白色

柳子厚

登柳州城樓寄漳汀封連四州

唐史永貞元年子厚與韓泰韓

畢劉禹錫陳諱凌非程異韋執誼皆以附王叔文敗準執誼皆卒於敗所程異先召用元

和十年子厚等五人例召至京師又皆出為  
刺史子厚柳州秦漳州畢汀州譙封州禹錫

連州

城上高樓接大荒海天愁思正茫茫驚風亂颭芙蓉水  
密雨斜侵薜荔牆嶺樹重遮千里目江流曲似九回腸

共來百越文身地猶自音書滯一鄉

大荒左思吳都賦云出乎大荒之中

行乎東海之外爾雅曰大荒海外踈曠無所不連海天  
柳州近海故云薜荔離騷云貫薜荔之落葉注云薜荔  
香草綠樹而生九迴腸司馬遷曰腸一日而九迴百越  
史楚大貳越殺王無疆諸侯子爭立或為君或為王故  
為百越又綱目秦王剪遂定江面  
降百越置會稽郡文身見前注

別舍弟宗一

零落殘魂倍黯然，雙垂別淚越江邊。  
一身去國六千里，萬死投荒十二年。  
桂嶺瘴來雲似墨，洞庭春盡水如天。

欲知此後相思夢，長在荆門郢樹烟。

桂嶺即桂山，在靜江府臨桂縣荆門。

荆門州屬荊州府郢樹，郢中之樹，即今安陸州。

王仲初

早春五門西望

百官朝下五門西，塵起春風滿御堤。  
黃帕蓋鞍呈了馬，



紅羅纏項鬬回雞館松枝重牆頭出渠柳條長水面齊  
惟有教坊南草色古城陰處冷萋萋

五門三輔黃圖天子五門皋門庫門

雉門應門路門闕雞民間之藏明皇愛之始置坊教習教坊元宗開元初於蓬萊宮側立教坊置使領之

### 周家谿亭

少年因病離天仗乞得歸來自養身買斷竹谿無別主  
散分泉石與新隣山頭鹿下長驚犬池面魚游不怕人  
鄉使到門常款語還聞世上有功臣

### 張文昌

寒食內宴

城闕沉沉向曉寒，恩當冷節賜餘歡。  
瑞烟入處開三殿，香雨微時引百官。  
寶樹樓前分繡幕，綏花廊下映華欄。  
官筵戲樂年年別，已得三回對御看。

三殿見前注

送楊少府赴鳳翔

鳳翔，雍州之域，漢之右扶風。唐改鳳翔府。

詩名往日動長安，首首人家卷裏看。  
西學已行秦博士，

南宮新拜漢郎官。得錢祇擬還書鋪，  
借宅常時事藥欄。

今去岐州生計薄，移居偏近隴頭寒。

西學未詳，又考索凡學五室，西堂在

一基之上四方堂則以其方名學中央堂謂之大學又凡立學之記有四郊及國中在東郊曰東學並方名之在國中謂之大學此云西學其西郊之學歟泰博士班固云六國時往往有博士掌通古今又曰博士秦官漢因之漢多至數十人南宮禮部也岐州今岐山縣屬鳳翔漢郎官部有郎中員外皆郎官也又唐職林舊說禮部郎中謂之南宮舍人

### 送韓侍御歸山

聞君久卧在雲間為佐嫖姚未得還  
新結茅廬招隱逸獨騎驄馬入深山  
九靈洞口行應到五粒松枝醉亦攀

明日珂聲出城去家僮不復掃柴關

闕





西塞懷古

西塞山名塞也孫策擊黃祖子射於  
此地又土俗編在武昌縣東百三十

里界於兩山之間為闕王固有西塞山自  
註云今謂之道士磯隸興國軍大冶縣

王濬樓船下益州金陵王氣漠然收千尋鐵鎖沉江底  
一片降旗出石頭人世幾回傷往事山形依舊枕寒流

今逢四海為家日故壘蕭蕭蘆荻秋

王濬晉為益州刺史造舟伐吳樓船

漢武帝鑿昆明池以習水戰作樓船上櫓故名樓船金陵王氣楚昭王以其地有王氣埋金鎮之故名金陵鐵鎖晉書吳人以鐵鎖橫江川拒晉師王濬作大筏燒斷之而進降旗出石頭吳建都金陵石頭金陵別城吳師除江吳王孫皓出降四海為家漢書天子以四海為一家

松滋渡望峽中

松滋縣名屬荊州府縣有松滋渡渡近三峽

渡頭輕雨洒寒梅雲際溶溶雪水來夢渚草長迷楚望  
夷陵土黑有秦灰巴人淚應猿聲落蜀客船從鳥道回

十二碧峯何處所永安宮外是荒臺

夢渚雲夢澤見前注楚望楚昭王曰

江漢離漳楚之望也又顏延年詩曰江漢公楚望夷陵今夷陵府左楚頃襄王二十一年秦白起拔郢燒夷陵遂東至章陵王亡去郢遂來徙陳秦以郢為南郡巴人淚應猿聲落古樂府云巴東三峽巫峽長猿啼三聲淚沾裳鳥道南中八志交趾郡治龍紀縣自古興鳥道四百里以其險隘無蹊人所莫由特上有飛鳥道爾十二碧峯巫山十二峯見前注永安宮古夔子國後改夔州蜀先主改為永安郡宮在夔州先主崩處荒臺永安巫山縣西北二百五十步有陽臺即楚王夢神女之所今廢故云荒臺也



李義山

名商隱懷州人開成間進士仕至檢校吏部員外郎後歸滎陽卒自號玉溪子又義

山文宗時人詩文瑰奇過古號西崑體又石林  
葉氏曰唐人學老杜惟李商隱一人而已雖未  
盡造其妙然精密華麗亦自得其仿佛又曰王  
荆公嘗為蔡夫啓言學詩者未可便學老杜當  
先學李商隱未有不能為  
商隱而能為老杜者也

錦瑟

樂記庖犧氏作瑟白虎通瑟者閑也所以  
懲忿窒慾正人之德也樂記清廟之瑟朱

絃而踈越一唱而  
三數有餘音矣

錦瑟無端五十絃一絃一柱思華年莊生曉夢迷蝴蝶

望帝春心託杜鵑滄海月明珠有淚藍田日暖玉生烟

此情可待成追憶只是當時已惘然

錦瑟杜詩暫醉佳人錦瑟旁唐詩鼓吹

注木紋如錦故曰錦瑟又云繪紋如錦五十絃漢武紀黃帝使素女鼓五十絃瑟而悲故止為二十五絃東坡聲也過怨清和一篇之中曲盡其意史稱其瑰奇邁古信然莊生蝴蝶莊子莊周夢為蝴蝶栩栩然不知周也此以言適也望帝杜鵑李膺蜀志蜀之先有帝曰杜宇宇稱帝號望帝自恃功德高後以其德不如其臣鰲靈以位禪之遂自亡去化為子鵑以此言怨也滄海珠唐狄仁傑調汴州叅軍闔立本立本異其才曰君可謂滄海遺珠矣又吳都賦蚌蛤珠胎與月虧全又海賈云中秋月明則珠多而圓此以言清也監田玉後魏李預探問監田玉得玉環璧離器形百餘又吳諸葛恪少有名孫權見其父瑾曰藍田生玉真不虛也藍田即長安藍田縣地也又戴容州曰詩家景如藍田日暖良玉生烟

此以言其和也三體詩注謂前輩謂此詩尚隱情有所屬托之錦瑟也

茂陵

漢武帝所葬之陵見前注

漢家天馬出蒲梢苜蓿榴花偏近郊內苑只知銜鳳觜  
屬車無復挿雞翹玉桃偷得憐方朔金屋粧成貯阿嬌

誰料蘇卿老歸國茂陵松柏雨潇潇

天馬前武帝紀帝聞宛有善馬求之

不得所李廣利伐宛破之取其馬以歸張騫傳曰帝初得烏孫馬名天馬及得宛馬更名烏孫曰西極馬宛馬曰天馬西域傳贊曰蒲梢龍文魚目汗血之馬充為黃門又漢書張騫持千金請宛馬乘苜蓿榴花歸種之風  
觜十洲記洲上多鳳鱗煮鱗角鳳觜為膠可續斷絃仙傳拾遺曰武帝天漢三年北巡西王母使使獻靈膠二

兩帝射虎華林苑擊絃斷使者口濡膠一分以續之只  
知猶專務也口濡猶口銜也屬車胡廣制度曰大駕屬  
車八十一乘蔡邕獨斷曰鸞旗表編羽毛列紫幃旁民  
或謂之雞翹玉挑方朔武帝故事曰西王母降出挑七  
枚曰北挑三千年一花三千年一子指方朔曰此兒已  
三偷吾挑矣金屋阿嬌武帝故事帝年十五歲長公主  
抱問曰兒欲得婦否曰欲得指女阿嬌好否帝曰若得  
阿嬌當作金屋貯之蘇卿蘇武也本傳字子卿武帝天  
漢元年使匈奴昭帝始元六年歸至京師茂陵武帝陵  
也三體詩注云此詩首二句譏武帝勤遠畧第三句譏  
帝好田獵四句譏帝好微行五句譏帝好神仙六句譏  
帝好女色皆極道武帝之多欲而結句意則謂誰料蘇  
武歸時武帝已崩但見陵栢  
蕭蕭其雄心侈志今安在哉

馬嵬

長安志馬嵬故城在興平縣西二  
十里本馬嵬所築以避難處有驛

海外徒聞更九州他生未卜此生休空聞虎旅鳴宵柝  
無復雞人報曉籌此日六軍同駐馬當時七夕笑牽牛

如何四紀為天子不及盧家有莫愁

海外九州商隱自注曰鄒衍云九州

之外更有九州他生此生仙傳拾遺曰楊妃死後帝召楊什五於行在老召至三日夜奏曰人寰之中十洲三島之內求之不得後於東海上蓬萊頂見之謂什五此後一紀當相見商隱用此謂帝徒聞妃在九州之外若他生相見未可知此生休矣虎旅宵柝難人曉籌虎旅衛士也漢官儀曰夜漏起周廬擊木柝難人傳曉以警寢也仙傳拾遺曰玄宗幸蜀自離馬嵬之後屬念貴妃往往不寐詩意同此謂帝不寐而聞柝者非因難人之警也此第三句雖與五句詞同而意異六軍駐馬玄宗幸蜀至馬嵬驛軍士譏誚圍驛不進擒楊國忠斬之將

士陳玄禮等請殺貴妃以安衆心上乃令力士縊死貴妃六軍乃整旅而行六軍者天子之軍也每軍二千五百人則軍一萬二千五百人也七夕笑牽牛楊妃外傳云玄宗與貴妃在驪山宮七日女牛渡河之夕夜半妃獨侍上上倚肩密誓願世世生生為夫婦四紀天子玄宗在位凡四十餘年莫愁梁武帝河中之女歌曰洛陽女子名莫愁十五嫁與盧家婦又古今樂紀莫愁石城女子善歌

### 籌筆驛

蜀志驛在利州綿谷縣去州北九十里諸葛孔明出師時駐軍於此

魚鳥猶疑畏簡書風雲長為護儲胥徒令上將揮神筆終見降王走傳車管樂有才終不忝關張無命欲何如

他年錦里經祠廟梁甫吟成恨有餘

簡書左管仲曰豈不懷歸畏此簡書

注古者無紙有事書之於簡儲胥長楊賦木擁槍鼎以  
為儲胥注木擁柵其外又以竹槍鼎於外儲軍中之藩  
籬也一曰儲峙也胥須也有儲蓄以待所須故曰儲胥  
諸眼云簡書軍中法令約束言號令嚴明雖百千年魚  
鳥猶畏之儲胥軍中藩籬言忠貫神明風雲猶護其壘  
也上將諸葛也降王蜀炎其元軍魏寇蜀後主禪輿觀  
諸鄧艾軍門降傳車古之驛以車故曰傳車管樂管仲  
樂毅也亮本傳曰亮躬耕南陽好為梁父吟每自比管  
樂終不忝者謂不在其下也關張關羽張飛也皆蜀之  
勇將無命謂先孔明而死錦里成都記云錦里城呼為  
錦城以江山明麗錯雜如錦武侯廟在先主廟西又按  
詩注先主崩於永安宮今夔州也公自注山有卧龍寺  
先主祠在焉又注永安宮殿今為寺廟在寺東梁甫吟  
按王僧虔後錄為相和歌楚調五曲內有梁甫吟行意  
始於孔明云注漢武登封泰山  
至於梁父九域志兗州梁父城

隋宮

北史隋煬帝大業元年自長安至江都置離宮四十餘所

紫泉宮殿鎖烟霞欲取蕪城作帝家  
玉璽不緣歸日角錦帆應是到天涯  
于今腐草無螢火終古垂楊有暮鴉

地下若逢陳後主豈宜重問後庭花

紫泉宮殿司馬相如曰獨不聞天子

之上林乎丹水更其南紫泉徑其北皆謂苑外且唐人詩淵故言泉義山其南紫泉徑其北皆謂苑外且唐人詩淵故言泉義山用之蓋隋都關中鎖烟霞者以見煬帝棄國南遊之不退也蕪城揚州也古州肅城漢已後荒蕪故曰蕪城又沈約宋書曰鮑明遠為臨海王子瑱叅軍在廣陵子瑱反後照見故城荒蕪乃因漢吳王濞所都作蕪城賦煬帝以廣陵為江都玉璽蔡邕獨斷曰天子六璽皆玉日角後光紀帝龍顏日角以喻太宗也南部烟花錄云煬



帝御龍舟蕭妃乘鳳舸錦帆紙繼三體詩注詩意謂使  
隋之神器不為太宗所取則煬帝遊幸應至天涯豈止  
江都而已也螢火禮記月令腐草化為螢又煬帝於景  
華宮徵求螢火數斛夜出遊則放之光遍山谷暮鴉大  
業元年開刊溝自山陽至江都無螢火有暮鴉者言虐  
焰雖滅惡聲常在也若逢陳后主伽藍記曰煬帝嘗行  
吳公臺下恍惚遇陳后主帝請張麗華舞玉樹后庭花  
后主曰每憶與張妃憑臨春閣作璧月詞未終見韓禽  
虎直來衝人便至今日始謂殿下治在危舜之上今日  
還此游逸曩日何見罪之深耶帝叱之不見此言地下  
者蓋煬帝被弑  
葬於吳公臺下

碧城

宋詳

碧城十二曲闌干屏辟塵埃玉辟寒閨苑有書多附鶴

女牆無樹不棲鸞星沉海底當牕見雨過河源隔坐看

若是曉珠明又定一生長對水晶盤

犀獸類爾雅云形似水猪牛頭大腹

卑脚脚有三蹄黑色三角辟埃嶺表異錄有辟塵犀為簪梳塵不著髮玉辟寒杜陽編唐武宗時大餘國貢火玉寘室內不必扶纈閭苑仙傳崑崙國閭風苑有玉樓玄室瑤池翠水河源漢書河有兩源一出慈嶺一出于閭在南山下曉珠指日言也水晶盤三輔黃圖董偃以水晶為盤佇曉珠唐詩鼓吹謂日也碧城雖未詳何處然觀詩意亦必宮殿所在故以仙家比之也

### 重過聖女祠

未詳或云即果州女仙謝自然祠韓文公有謝自然詩云果州南充

縣寒女謝自然云今祠在南充縣玉泉山

白石巖扉碧蘚滋上清淪謫得歸遲一春夢雨常飄瓦  
盡日靈風不滿旗萼綠花來無定所杜蘭香去未移時

玉郎會此通仙籍憶向天涯問紫芝

上清淪謫柳子厚謫龍說云扶風馬

孺子云在澤州郊亭上頃然有奇女墜地有光華然自  
云帝以吾心侈大怒而謫來七日當復至日取表衣之  
化為白龍登天而去莫知所之夢雨楚襄王游陽臺之  
上夢神女曰吾巫山之神女朝為行雲暮為行雨靈風  
萼綠華真誥萼綠華者九疑山得道女羅郁也顏色絕  
整晉昇平二年降聿權家杜蘭香仙弱漁父於開江洞  
庭之岸聞兒啼聲視之三歲女子漁父舉之十餘歲天  
姿奇偉真天人也忽有青童自空而來携女而去女上  
升謂其父曰我仙女杜蘭香也有過謫於人間其後降  
洞庭包山張碩家碩修道者也教之以舉形飛化之道

久之碩亦仙去漁父以學道不食後不知所終

### 九成宮

九成宮見前注

十二層城閭苑西平時避暑拂虹蜺雲隨夏后雙龍尾

風逐周王八馬蹏吳岳曉光連翠巘甘泉晚景上丹梯

荔支盧橘沾恩幸鸞鵲天書濕紫泥

閭苑見前注十二層城太白詩天上

白玉京十二樓五城夏后雙龍史記夏孔甲之時天降二龍后龍一雌死御龍氏以食夏后夏后更求懼而遷

去周王八駿史周穆王得八駿馬便造父仰西巡狩會王母於瑤池樂而忘歸吳岳周禮雍州之山鎮吳岳又漢州里志吳岳在沂縣西又云即太白山甘泉宮俱見前注丹梯敬亭山詩要欲道奇趣即此凌丹梯荔枝貴

荔枝香盧橘相如賦盧橘夏熟果譜盧橘皮厚大小如柑九日結實正赤明年二月更青黑或云即枇杷又貴妃外傳明皇種於蓬萊宮結一合歡實上與妃子持玩曰此果似知人意鸞鵲言帛上織成鸞鵲又以書詔紫泥武功山出紫泥以封詔書故太白詩云鳳凰丹禁裏銜出紫泥書按此詩亦譏玄宗窮奢極欲耽樂女色不務國政以喪國也

### 促漏

漏說文以銅受水刻節晝夜百節亦取漏下之義

促漏遙鐘動靜聞報章重疊杳難分舞鸞鏡匣收殘黛  
睡鴨香爐換夕熏歸去豈知還向月夢來何處更為雲

南塘漸暖蒲堪結兩兩鴛鴦護水紋

促說文迫也亦近之義此言近漏遠

鏡常常聞之報章詩報章不成又報章奏章也舞鸞鏡  
異苑蜀賓云一鸞三年不鳴夫人曰聞見類則鳴懸鏡  
照之鸞睹影悲鳴鏡匣盛鏡之匣也黛說文畫眉墨似  
空青睡鴨香爐以銅鑄鴨焚香也夕熏去舊香而焚新  
香也向月淮南子羿請不死之藥於西王母未及服其  
妻嫦娥竊而服之遂奔月宮夢來為雲即楚襄王夢神  
女之事死矣亦見前注按唐詩鼓吹注云  
此詩深宮怨女恨不如禽鳥之有匹也

### 重有感

玉帳牙旗得上游安危須共主君憂實融表已來關右  
陶侃軍宜次石頭豈有蛟龍曾失水更無鷹隼與高秋  
晝號夜泣兼幽顯早晚星闕雪涕收

上游史項羽曰古  
之帝者地方千里

必居上游流也甯融後光武紀融字周公遣更始敗天下擾亂融為屬國都尉決策東向遣長史奉書獻馬於光武陶侃字士行晉蘇峻亂陶侃軍至石頭遂誅峻蛟龍失水莊子蛟龍失水而陸居為螻蟻所制鷹隼白首漢孫賓立秋日署侯文為掾曰今日鷹隼始擊當順秋氣成嚴霜之誅晝號夜哭左楚伍員與申包胥友員之亡也謂之曰我必復楚及昭王在隨包胥如秦乞師衣於庭垣而哭日夜不絕聲十日秦乃出師

許用晦

字仲暉潤州丹陽人大和六年登進士第官至睦節二州刺史嘗居京口有別墅在

丁卯  
橋

登洛陽故城

河南府有洛陽故城乃周故城也唐人多有題詠

禾黍離離半野蒿昔人城此豈知勞水聲東去市朝變

山勢北來宮殿高，鴉噪暮雲歸古堞。鴈迷寒雨下空壕。

可憐緱嶺登仙子，猶自吹笙醉碧桃。

周大夫行役過故宗廟宮室盡為禾

黍故作詩曰彼黍離離市朝變東周後漢元魏皆都洛陽宮殿高連昌絳嶺等宮皆在洛陽故云古堞女牆也壕城隍也緱嶺登仙子王子昔事見前注碧桃王子年拾遺記曰磽確山去扶桑五萬里有桃樹千圓花開青黑色故曰碧桃又尹喜內傳曰老子西游省太真王母共食碧桃

### 金陵懷古

見前注

玉樹歌殘王氣終，景陽兵合戍樓空。楸梧遠近千官塚，  
禾黍高低六代宮。石鶯拂雲晴亦雨，江豚吹浪夜還風。



英雄一去豪華盡惟有青山似洛中

玉樹歌陳后主作  
玉樹後庭花曲王

氣終謂隋并陳南朝至此而滅也后庭花蘇子由曰即  
今之雞冠花也景陽金陵志景陽樓名宋元嘉三十二  
年蔡孝武大明中紫雲出樓上因以名之六朝紀勝云  
今法寶寺西南遺址猶存中有井即后主與張妃自投  
被擒之所六代宮建康錄云吳初宮即臺城地之西南  
晉建康宮在府北五里宋末吳宮在清溪橋東梁金華  
宮在清溪東石鷺湘州記零陵有石鷺遇雨即飛江豚  
南越志江豚似猪居水中出則有風青山似洛中曾景  
建曰洛陽四山圍伊洛纏澗在中建康  
亦四山圍秦淮在中故曰似洛中也

關



--	--	--	--	--	--	--	--

四皓廟

四皓謂東園公綺里季夏黃公角里先生廟在商山四皓見秦政虐乃逃入藍

田山作歌云漠漠高山途谷逶迤曄曄紫芝可以療饑乃共入商山待天下定

桂花松暖廟門開獨瀉椒漿奠一椀秦法欲興鴻已去

漢儲將廢鳳還來紫芝翳翳多青草白石蒼蒼半綠苔

山下驛程南竄路不知冠蓋幾人回

桂花淮南王安招隱詩曰桂樹叢生

分山之幽椒漿楚辭奠桂酒兮椒漿史商鞅變秦法漢  
儲將廢漢高欲廢太子呂后用張良計召四人至使與  
太子遊高祖顧謂戚姬曰羽翼成矣紫芝見前注山下驛  
程唐都長安凡流人逐客南行出商山下冠蓋謂逐客也

## 七言排律

王仲初

侍中田弘正也弘正始名興為魏博兵馬使憲字元和八年以郎來獻賜名弘正封

節度使元和十四年討李師道功成入朝加兼侍中還鎮

## 寄賀田侍中功成

使回高品滿城傳親識沂公在陣前百里旂幡衝即斷  
兩重衣甲射皆穿探知點檢兵應怯笑得新移柵未堅

營被數驚乘勢破將經頻敗遂生全密招殘寇防人覺  
遙斬元亮恐自專首讓諸軍無敢近功歸部曲不爭先  
開通州縣斜連海交割山川直到燕戰馬散驅還逐草  
肉牛齊敗却耕田府中獨拜將軍貴門下兼分宰相權

唐史上頭功第一春風雙珮好朝天

沂公田弘正也韓文公有魏博節度

觀察使沂國公先廟碑李師道為平盧節度元和十三年弘正將兵討李師道軍於鄆州四十里明年遂誅李師道於是淄清等十二州皆平故云開通道路斜連海交割山川直到燕也

送裴相公上太原


裴相公裴度也太原古并州也

欽定四庫全書

唐書  
卷五

還攜堂印向并州將相兼權是武侯時難獨當天下事  
功成却進手中籌再三陳乞鑪烟裏前後分張玉案頭  
朱架早朝排立戟綠槐殘雨看張油遙知鴈塞從今好  
直到漁陽以北愁邊鋪恐巡旂盡換山城欲過館重修  
千羣白刃兵迎節十對紅妝妓打毬聖主分明教暫去  
不須高起見京樓堂印丞相印也將相兼權言晉以司空出為山南西道節使鎮并州也時  
難憲宗之時功成平吳元濟諸賊之後也陳乞謂度以  
老疾辭位也鑪烟玉案天子之前也立戟唐制官三品  
以上始立戟綠槐禮朝士面三槐公卿位焉張油張油  
幕也暫去開成中留守東都上命盧洪宣諭曰為朕以

護北門是即漢武帝君薄淮陽之意也打毬崔豹古今  
注擊鞠黃帝習兵之勢或曰起戰鬪所以練武士因嬉  
戲而講習之崇擊鞠猶今言打毬謂騎而以杖擊之者  
又非蹋鞠之說望京樓謂不久即還召不必望京師也





唐音卷五

欽定四庫全書

集部

唐音卷六

七

詳校官中書<sub>臣</sub>丁榮祚

助教<sub>臣</sub>常循履勘

總校官編修<sub>臣</sub>王燕緒

校對官編修<sub>臣</sub>沈清藻

謄錄監生<sub>臣</sub>趙廷璋

欽定四庫全書

唐音卷六

元 楊士弘 撰

張 震 註

唐詩正音五

五言絕句

宋之問

之問字延清汾州人甫冠武氏召與楊炯

此詩先成賜錦袍之問俄頃刻獻覽之嗟賞奪

祀賜之詩評云魏自建安以來迄江左詩律屢

變至沈約庾信以音韻相婉附屬對精密及之

問又加美麗四忌聲病約句佳言如錦繡成文

欽定四庫全書

唐音

學者宗之  
謂之沈宋

途中寒食

馬上逢寒食途中屬暮春可憐江浦望不見洛橋人

別杜審言

卧病人事絕嗟君萬里行河橋不相送江樹遠含情

早發韶州

漢為始興郡隋改韶州唐因之

綠樹秦京道青雲洛水橋故園長在日魂去不須招

招魂

楚辭有大招小招

東方虬

武氏時為左史工詩

昭君怨三首

昭君見前注

漢道方全盛朝廷足武臣何須薄命妾辛苦事和親

昭君

後漢明帝時人故云方全盛妾薄命古樂府名

拚淚辭丹鳳銜悲何白龍單于浪驚喜無復舊時容

丹鳳

宮闕門名白龍堆前匈奴傳注白龍堆如土龍身無頭有尾高大者二三丈卑者丈餘在西域中

邊地無花草春來不似春自然衣帶緩非是為腰身

蓋嘉運

伊州歌二首

伊州深州皆龜節國地名題意見前注

打起黃鶯兒莫教枝上啼啼時驚妾夢不得到遼西

遼西

秦四十郎有遼西郎即孤竹國之地今廣寧華衛是也

聞道黃花戍頻年不解兵可憐閨裏月偏照漢家營

黃花

戍地域志鳳州有黃花驛或古為西征軍戍也

王摩詰

山中送別

山中相送罷日暮揜柴扉春草年年綠王孫歸不歸

批云

千古斷腸政不在多選詩芳草生兮萋萋王孫遊  
兮不歸又招隱詩王孫遊兮不歸春草生兮萋萋

崔九弟欲往南山馬上口號與別

南山洛  
南山也

城隅一分手幾日還相見山中有桂花莫待花如霰

鳥鳴磧

此以下諸題  
皆在輞川

人閑桂花落夜靜春山空月出驚山鳥時鳴春磧中

上平田

并上二詩本集係皇  
甫岳云溪雜詩題

朝耕上平田莫耕上平田借問問津者誰知沮溺賢

批云

語調并高長沮桀溺語長沮桀溺耦而耕孔子過之使  
子路問津朱子註曰二人隱者又集釋曰皆楚人也

孟城坳

本集目序云余別業在輞川山谷其遺止有孟城坳木蘭柴鹿柴南坨樂家瀕

白石灘竹里館萍地等與悲迪閑賦因賦絕云

新家孟城口古木餘衰柳來者復為誰空悲昔人有

批云

復為兩語如此俯仰曠遠不可得

木蘭柴

此一首係裴迪詩

蒼蒼落日時鳥聲亂谿水緣谿路轉深幽興何時已

鹿柴

空山不見人但聞人語響返照入深林復照莓苔上

批云



無言而  
有盡意

南垞

輕舟南垞去北垞  
淼難即隔浦望人家  
遙遙不相識

樂家瀨

颯颯秋雨中  
淺淺石溜瀉  
跳波自相濺  
白鷺驚復下

白石灘

清淺白石灘  
綠蒲何堪把  
家住水東西  
浣紗明月下

竹里館

獨坐幽篁裏彈琴復長嘯深林人不知明月來相照

萍池

春池深且廣會待輕舟迴靡靡綠萍合垂楊掃復開

批云

每每靜意得之偶然

山中寄諸弟

山中多法侶禪誦自為羣城郭遙相望惟應禮白雲

息夫人

息國名今汝寧府息縣是子爵夫人息君之夫人也

莫以今時寵能忘舊日恩看花滿眼淚不共楚王言

莊十

四年蔡哀侯為寧故二繩息媯以語楚子楚子問之對  
曰吾一婦人而事二夫縱不能死又奚言楚子以蔡侯  
滅息遂伐蔡

班婕妤二首

婕妤漢武帝初即位選入後宮為  
婕妤後稀復進見趙飛燕譖之上  
善具對令侍太后於東宮婕妤漢武帝制皆  
有爵位又師古曰婕言接幸於上也好美稱  
也

宮殿生秋草君王恩幸踈那堪聞鳳吹門外度金輿

云批

語好

玉窓螢影度金殿人聲絕秋夜守羅帷孤燈耿不滅

云批

語皆不  
刻而近

雜詩二首

家住孟津河門對孟津口常有江南船寄書家中否  
君自故鄉來應知故鄉事來日綺窓前寒梅着花未

王夏鄉

名縉王維之弟也

別輞川別業

維集作維詩

山月曉仍在林風涼不絕殷勤如有情惆悵令人別

批云

清灑頗到  
畧不動容

裴迪

孟城坳

結廬古城下時登古城上古城非疇昔今人自來往

批云

來為不佳  
相去甚遠

宮槐陌

門前宮槐陌是向歌湖道秋來風雨多葉落無人掃

白石灘

跂石復臨水弄波情未極日下川上寒浮雲澹無色

崔九弟欲往南山馬上口號與別

歸山深淺去須盡丘壑美莫學武陵人暫游桃源裏

郭元振

名震少有大志十六歲為太學生唐武氏時上寶劍篇武氏嘉嘆之睿宗朝仕至大

業郡封  
代國公

春江曲

江水春沉沉上有雙竹林竹葉壞水色郎亦壞人心

儲光羲

長安道

西行一千里暝色生寒樹暗聞歌吹聲知是長安路

洛陽道作獻呂四郎中三首

呂渭字禮所  
官至尚書郎

洛水春冰開洛城春樹綠朝看大道上落花亂馬足  
大道正如髮春日佳氣多五陵貴公子雙雙鳴玉珂  
春風二月時道傍柳堪把上枝覆官閣下枝拂車馬

江南曲二首

淥江深見底高浪直翻空慣是湖邊住舟輕不畏風  
日暮長江裏相邀歸渡頭落花如有意來去逐船流

孟浩然

春曉

春眠不覺曉處處聞啼鳥夜來風雨聲花落知多少

批云

風流閑美  
政不在多

送友之京

君登青雲去予望青山歸雲山從此別淚濕薜蘿衣

宿建德江

移舟泊烟渚日暮客愁新野曠天低樹江清月近人



送朱大入秦

游人五陵去寶劍直千金分手脫相贈平生一片心

五陵

見前注劍說文人所帶兵也管子葛天盧之山發而出金蚩尤以為劍鎧此劍之始也

洛陽道中

珠彈繁華子金羈游俠人酒酣白日暮走馬入紅塵

珠彈

莊襄王篇以隋侯之珠彈千仞之雀金羈李白詩送行駐金羈說文羈馬絡也

崔顥

長干行

見前注

家臨九江水來去九江側同是長干人生小不相識

江南行三首

君家何處住妾住在橫塘停船暫借問或恐是同鄉  
下渚多風浪蓮船漸覺稀那能不相待獨自送潮歸

三江潮水急五湖風浪涌由來花信輕莫畏蓮舟重

唐仲

初吳東賦注松江下七十里分流東北入海者為婁江東南流者為東江并松為三江五湖張勃吳錄云五湖者大湖之別名以其周行五百里二萬六千頃故以五湖名之

崔國輔

怨詞

妾有羅衣裳秦王在時作為舞春風多秋來不堪著

古意

淨掃黃金階飛霜厚如雪下簾彈瑩簇不忍見秋月

流水曲

歸來日尚早更欲向芳洲渡口水流急回船不自由

少年行

遺却珊瑚鞭白馬驕不行章臺折楊柳春日路傍情

長信草

三輔黃圖漢長信宮太后之宮也武帝五日一朝長信宮又名長樂宮

長信宮中草年年愁處生時侵珠履跡不使玉階行

魏宮詞

此魏宮指鄴中言

朝日照紅粧擬上銅雀臺畫眉猶未了魏帝使人催

銅雀

臺見前注魏帝指曹操言操雖未稱帝曹王篡位追謚操為武帝

湖南曲

湖南送君去湖北送君歸湖裏鴛鴦鳥雙雙他自飛

采蓮

玉漱花爭發，金塘水亂流。相逢畏相失，並着采蓮舟。

岑參

見渭水思秦川

渭水東流去，何時到雍州。憑添兩行淚，寄向故園流。

題三會寺蒼頡造字臺

三會寺未詳所止，蒼頡黃帝時人。河圖玉版云：

頡與帝南巡，登陽虛之山，臨玄滄之水。在商州上洛

縣。

野寺荒臺晚，寒天古木悲。空階有鳥跡，猶似造書時。

鳥跡。

史記蒼頡觀鳥迹  
像之以作文字

行軍九日思長安故園

強欲登高去無人送酒來遙憐故園菊應傍戰場開登

汝南桓景從費長房遊學謂景曰九月九日汝家當有災厄令闔家以絳囊盛茱萸繫臂登高飲酒至暮回家中雞犬皆死送酒淵明九月九日無酒宅邊有菊坐觀久之有白衣人送酒至

劉方平

河南人與元魯山善隱居不仕

采蓮曲

落日清江裏荊歌艷楚腰采蓮從小慣十五即乘潮荊歌

楚歌也楚腰後馬廖疏楚  
王好細腰宮中多餓死

### 長信宮

夢裏君王近宮中河漢高秋風能再熱團扇不辭勞

團扇

班婕妤詩裁為合歡扇團圓似  
明月常恐秋節至涼颺奪炎熱

### 皇甫孝常

婕妤春怨

婕妤後漢書皇后之下具  
職有兩婕妤乃其一也

花枝出建章鳳管發昭陽借問承恩者雙娥幾許長

建章

昭陽俱見前注此婕妤益指班婕妤言漢成紀趙后諧  
婉好以誣事帝善其言而免乃出侍太后于長信宮也

秋怨

長信多秋色 昭陽借月華 那堪閒永巷 閒道選良家

長信

昭陽見前注永巷列女傳宮中長廡相通曰永巷選良家晉武紀帝多選良家子以充內職

送王司直

西塞雲山遠 東風道路長 人心勝潮水 相送過潯陽

潮至

潯陽而止故云不如人心直送過潯陽云

送人還剡中舊居

剡中即剡溪在會稽

海岸畊殘雪 谿沙釣夕陽 家中何所有 春草漸看長



同諸公有懷

舊國迷江樹他鄉近海門移家南渡久童稚解方言皇甫

孝常丹陽人丹陽今鎮江府在江之下流且近海故云

劉文房

春草宮懷古

君王不可見芳草舊宮春猶帶羅裙色青青向楚人

送張起崔載華之閩中

閩中越地也後漢為侯官陳始改為閩州今為

福州府

朝無寒士達家在舊山貧相送天涯裏憐君更遠人

逢雪宿芙蓉山

芙蓉山未詳

日暮蒼山遠天寒白屋貧柴門聞犬吠風雪夜歸人

赴楚州次韻田途中阻淺問張南史

三體詩有張南史詩

楚城今遠近積霽寒塘莫水淺舟且遲淮潮在何處

送友人往揚州

渡口發梅花山中動泉脉蕪城春草生君作揚州客

送張十八歸桐廬

桐廬今屬嚴州府

歸人乘野艇帶月過江村正落寒潮水相隨夜到門

送方外人

孤雲將野鶴豈向人間住莫買沃州山時人已知處

沃州

山述異記第十四福地名沃州有峭峯十二名翠天在越州今紹興府又與道林與謝安王羲之許詢何充等並一代名流皆與結方外交及投迹剡山於沃州小嶺立寺行道

江中對月

空洲夕烟斂對月秋江裏歷歷沙上人月中孤渡水

聽彈琴

泠泠七絃琴靜聽松風寒古調雖自愛今人多不彈

韋應物

詠夜

明從何處去暗從何處來但覺年光老半是此中催

詠聲

萬物自生聽太空恒寂寥還從靜中起却向靜中銷

秋夜寄丘二十二員外

懷君屬秋夜散步詠涼天山空松子落幽人應未眠

對殘燈

獨照碧窓久欲隨寒燼滅幽人將遽眠解帶翻成結

同褒子秋齋獨宿

山月皎如燭霜風時動竹夜半烏驚棲窓間人獨宿

宿永陽寄璨律師

永陽今永州府律師僧異名又鈔解題云佛言善解一宮

名律師一字者律字也

遙知郡齋夜凍雪封松竹時有山僧來懸鐙獨自宿

盧允言

酬李益

戚戚一西東十年今始同  
可憐歌酒夜相對兩衰翁

贈別司空曙

有月曾同賞無秋不共悲  
如何與君別又是菊花時

塞下曲

月黑鴈飛高單于夜遁逃  
欲將輕騎逐大雪滿弓刀

韓君平

漢宮曲

繡幕珊瑚鉤春關翡翠樓深情不肯道嬌倚鈿箜篌

耿緯

漳河東人寶應二年進士為大理司法終于左拾遺有詩二首傳于世

秋日

返照入閭巷憂來與誰語古道少人行秋風動禾黍

兵後

觀景蕭條憂國憂民人皆無可與語無人行也不言無而言少謂黍離之悲也

秋夜

高秋夜分後遠客鴈來時寂寂重門掩無人問所思

錢仲文

江行無題四首

翳日多喬木維舟取束薪靜聽江叟語俱是厭兵人  
牽路綠江狹沙崩岸不平盡知行處險誰肯載時輕  
咫尺愁風雨匡廬不可登祇疑香霧窟猶有六朝僧  
斗轉月未落舟行夜已深有村知不遠風便數聲砧

竹間路

暗歸草堂靜半入花源去有時載酒來不與清風遇

石井



片霞照仙井泉底桃花紅邨知幽石下不與武陵通

宿洞口館

野竹通谿冷秋泉入戶鳴亂來人不到寒草上階生

傷秋

歲去人頭白秋來樹葉黃搔頭向黃葉與爾共悲傷

司空文明

金陵懷古

輦路江風暗宮潮野草春傷心庾開府老作北朝臣

庾開

府名信字子山仕至開府為文綺麗盛為都下所稱與  
徐陵齊名梁簡文帝開文德省置學士徐庾並充其選

翫花與衛象同醉

衰鬢千莖雪他鄉一樹花今朝與君醉忘却在長沙

留別盧秦卿

知有前期在難分此夜中無將故人酒不及石尤風

石尤

風戴叔倫詩知君未得去慚愧石尤風客齊  
隨筆曰石尤風打頭逆風也唐人多用之

李端

蕪城懷古

風吹城上樹草沒城邊路城裏月明時精靈自來去

拜新月

開簾見新月便即下階拜細語人不聞北風吹裙帶

送人下第

獻策未得意馳車東出秦莫年千里客落日萬家春

鳴箏

鳴箏金粟柱素手玉房前欲得周郎顧時時誤拂絃

周郎

即周瑜也解音樂每宴會樂人或有誤瑜必回顧之

暢當

河東人大歷七年張式榜進士

宿潭上

夜潭有仙舸與月當水中佳賓愛明月游子驚秋風

登樓

迴臨飛鳥上高出世人間天勢圍平野河流入斷山

戴幼公

字叔倫潤州金壇人仕至容管經畧使

贈李唐山人

蕭宗時人綱目先是李唐山人見上方抱幼女謂唐曰朕念之對曰

太上皇思見陛下亦如陛下之念公主於是上朝太上皇於西內即此也

此意靜無事閉門風景遲  
柳條將白髮相對共垂絲

留別顧明府

江南雨初歇山暗雲猶濕  
未可動歸橈前程風正急

送秦隱居麗句亭

北人歸欲盡猶自住蕭山  
閉戶不暫出詩名滿世間

蕭山

縣名屬  
紹興府

三閭廟

三閭楚大夫屈原也朱子離騷序云屈原名平與楚同姓仕於懷王為三閭大

夫三閭之職掌圭旌三姓曰照屈原景後為上官靳所譖自溺汨羅江而死後人哀之為立

廟三在  
岳州

沅湘流不盡屈子怨何深日暮秋風起蕭蕭楓樹林  
沅湘

二水名此言沅湘之水流不盡如屈子之怨深而不已也

李君虞  
名益李揆祥子大慤四年齊快榜進士

江南曲

嫁得瞿塘賈朝朝誤妾期早知潮有信嫁與弄潮兒  
瞿塘

夔州也古南蠻魚復之國春秋庸國之地庸滅為巴國地蜀昭烈改巴東又改為永安有瞿塘峽潮海潮也太

白詩潮水重可信潮日夕二潮依時而至

照鏡

衰境臨朝鏡將看却自疑慚君明似月照我白如絲

惜春

畏老身全老逢春解惜春今年看花伴已少去年人

批云

有此意何得不惜

武伯蒼

字元衡德宗欽其才嘗對廷英上日進定曰真宰相器元和中拜相

夏夜作

夜久喧聲息池臺惟月明無因駐清景日出事還生

途中即事

南征復北還擾擾百年間自笑紅塵裏生涯不暫閑

權載之

字德興四歲能詩籍為縉紳羽化初結廬江南蓬蒿晏如每遇一勝境得一佳句怡

然獨笑如獲貴仕唐德宗朝知制誥元和中同平章事詩評云權詩有似盛唐者又有似韋蘇州劉長卿處又引辭連類窮情盡變宮商相宣金石和諧寂寥乎短章春容乎大篇如是者閱之累日而無窮焉

玉臺體

詩法云玉臺集乃徐陵所叙漢魏六朝之詩皆有之或但謂纖艷者為玉臺體

其實不然



昨夜裙帶解，今朝蟾子飛。鉛華不可棄，莫是臺砧歸。臺砧

古詩臺砧今何在山上復有山注謂砧砧也故借言夫云鉛華脂粉也

### 柳子厚

### 江雪

千山鳥飛絕，萬徑人蹤滅。孤舟蓑笠翁，獨釣寒江雪。

### 零陵早春

零陵今澧州也

問春從此去，幾日到秦原。憑寄還鄉夢，殷勤入故園。

### 長沙驛前南樓感舊

海鶴一為別存亡三十秋今來數行淚獨上驛南樓

登柳州峨山

柳州古百粵地梁置龍州唐改柳州峨山在柳州

荒山秋日午獨上意悠悠如何望鄉處西北是融州

融州

古百粵地漢為鬱林郡潭中縣蒲齊置齊熙郡梁置東寧南昆州隋改融州唐因之

王廣津

名涯敬宗朝為平章

閨人贈遠二首

鶯啼綠樹深燕語雕梁晚不省出門行沙場知近遠  
遠戍功名薄深閨年貌傷粧成對春樹不語淚千行

張文昌

野田

漠漠野田草草中牛羊道古墓無子孫白楊不得老

琵琶臺

未詳

臺上綠蘿春閑登不待人每當休暇日着履戴絃巾

宿雲亭

未詳

清淨當深處虛明向遠開卷簾無俗客應只見雲來

繡衣石榻

繡衣見前注

山城無別味藥草魚魚果時有繡衣人同來石上坐

繡衣

人謂御史也

梅谿

未詳

自愛新梅好行尋一逕斜不教人掃石愁損落來花

惜花

山中春已晚處處見花稀明日來無盡林間宿不歸

岸花

可憐岸邊樹紅藻發青條東風吹度水衝著木蘭橈

木蘭

梳楊炯詩桂棹蘭橈下長浦又皇甫  
詩紫回槐葉岸留滯木蘭橈木蘭花名

### 寄西峯僧

松暗水涓涓夜涼人未眠西峯月猶在遙憶草堂前

苕谿酬梁耿別後見寄

苕谿在湖州府烏程縣南五十步西岸多生蘆

葦故名

清川永路何極落日孤舟解攜鳥向平蕪遠近人隨流水東西

白雲千里萬里明月前溪後溪惆悵長沙謫謫江潭芳

草姜姜

長沙江潭  
見前注

顧逋翁

名況官至  
著作郎

歸山

心事數莖白髮生涯一片青山空山有雪相待古道無人獨還

唐音卷六